

Situacion mundial actual ta suscribi importancia di entrada di gas

Importancia Eagle LNG pa Aruba ta sigui crece

•Gas pa flotanar maritimo comercial ta conoce momentonan nobo

•Eagle no ta profila su mes como solamente proveedor di gas pa WEB

ORANJESTAD(AAN)- E posicon y posibilidadnan pa Aruba den e panorama mundial nobo, crea pa e guerra na Ukraine, tin e atencion total di DIARIO, cu den contacto cu su informantenan den exterior a wordo muestra riba e desaroyonan sumamente importante pa Aruba pa lora ta trata negoshi den gas.

Manera lectornan di DIARIO mes por a aprecia, for di momento cu e proyecto Eagle LNG a wordo presenta na Aruba, DIARIO no a tene su mes solamente ocupa cu entrega di gas pa WEB. DIARIO a muestra for di inicio di 2021, con adaptacion di por ehempel WEB na gas, ta habri un porta pa sigui adapta e compania na energia limpi manera hydrogen. Esaki debi na e hecho cu e instalacionnan di WEB pa atende cu gas na lugar di azeta, por wordo uza pa hydrogen tambe manera proyectonan cu ta wordo realiza dor di Gasunie na Hulanda, ta demostra claramente.

E realidad aki ta haci cu e infraestructura, e base cu mester pa por pasa di gas pa hydrogen, ta mas facil.

Pa DIARIO e totalidad di e proyecto di gas tabata importante debi na cambionan comercial mundial, den cual riba nivel internacional ta adapta na e exigencianan di energia mas limpi pa sostene e accion... contra peliger di cambio di clima.

Den e situacion mundial nobo por mira claramente con salida di petroleo y

gas a wordo afecta directamente dor di Crisis di Ukraine, caminda Rusia como productor di petroleo, ta origen di e Guerra na Ukraine.

Den e situacion di Guerra na Ukraine, por nota cu manera DIARIO a anuncia, comercio internacional ta clave y den esaki sigur e negoshi di petroleo y gas cu tabata tin un schedule pa futuro debi na clima.


Desaroyonan ayera ta muestra cu Putin dirigente di Rusia, cu un moneda cu no bal nada, ta trata di haya sosten nobo pa manda su Roebel halto. E no kier pago pa su entrega di petroleo cu Dollar ni Euro pero cu Roebel, cu no tin balor compara cu e Dollar y Euro.

Prijs di petroleo ta sigui subi y baha manera ola di lama y ta keda halto, mientras na Venezuela awor abiertamente Chevron ta pidi Merca pa deshaci di medida contra Venezuela y Nicolas Maduro tin su bista dirigi riba Guyana lora por resulta den mas conflicto cu e tin.

Mientras paisnan manera Canada tambe kier ofrece nan petroleo, gas ta conoce su momento mas importante y e papel di Eagle LNG den comercio internacional ta mas pronuncia.

Informantenan di DIARIO a confirma e interes di DIARIO pa e resto di paquete di Eagle LNG na Aruba, cu ta los for di WEB.

Importante ta, cu mescos cu otro companianan prestigioso den e negoshi mundial di gas,



Jeannette (Jenny) Cratz

Eagle LNG ta traha riba un producto cu menos peliger pa clima. E "purificacion" di gas di ingredientenan cu ta afecta clima ta uni na yega na gas cu por uza y sigui uza (renewable gas), mientras companianan di barco cu ta transporta gas, ta pura pa haci nan negoshi.

Aki ta yega pues na e factor mas importante pa economia di Aruba, ademá di e realidad cu prijs di awa ta baha, cu ta e posibilidadnan cu ta wordo crea pa trafico maritimo cu mas y mas ta uza gas como nan combustibel. Bunker na Aruba pues ta duna contenido nobo na servicionan maritimo na Aruba, caminda tambe lo habri e negoshi pa distribui gas cu e region.

Un aspecto importante ta tambe, cu boznan a lanta pa suspende e momento cu ta stop di inverti y crea mas negoshi pa gas, wordo cambia pa paisnan chikito y bira mas laat cu e fecha cu ta stipula actualmente na cual

paisnan grandi lo mester mantene nan mes.

DIARIO ta vigila interes di Aruba den e situacion mundial den un cuadro amplio pa asina e lector Arubano ta bon informa di lora e por spera y yuda Aruba enfrenta

momentonan mundial dicifil cu a presenta na forma inespera.

E careda di companianan grandi pa confirma nan negoshinan di gas na e momento aki, ta sostene e importancia di Eagle na Aruba.